


## 2022-mi inuusuttut ilinniarnert suliffeqarnerallu

2022-p naanerani Kalaallit Nunaanni inuusuttut 16-it 25-llu akornanni ukiullit 5.253-it imaluunniit 70 pct.-ii ilinniartinnut suliffeqarfinnulluunniit atassuteqarput. Taakkunannga 29 pct.-it efterskolernermik imaluunniit tunngaviusumik atuarfimmit qaffasinnerusumik ilinniakkamik ingerlatsipput, 41 pct.-iilu suliffeqarlutik.

2022-mi inuusuttut ilinniakkamik ingerlatsinngitsut suliffeqanngitsulluunniit 30 pct.-inik annertussuseqarput. 2016-imiilli annertussusaat 1 procentpointinik appariarsimavoq. Piffissamilu pineqartumi inuusuttut suliffillit 2 procentpointinik qaffariarsimasut, ilinniakkamik ingerlatsisut 1 procentpointinik appariarsimapput.

## Titartagaq 1. Inuusuttut 16-it 25-llu akornanni ukiullit nalunaarsorsimanerat malillugu, 2016-2022



Najoqqutaq: Naatsorsueqqissaartarfik – kisisaataasivimmi kisisisit takukkit (<https://bank.stat.gl/JDNUMG3>).

Nalunaarut: Tabelimi inuusuttut Kalaallit Nunaata avataani efterskolertut ilinniakkamillu ingerlatsisut ilanngunneqarput.


## Inuusuttut sullinniakkat

Saqqummersitami matumani Kalaallit Nunaanni inuusuttut suliffeqarnerat ilinniarnertallu sammeneqarpoq. Inuusuttut ilinniakkamik ingerlatsinngitsut imaluunniit suliffeqanngitsut inuusuttunik sullinniakkanik taaneqarput.

Inuusuttuni sullinniakkani pineqarput inuusuttut suliffeqanngitsut aammalu suliffissarsiortutut nalunaarsorsimannngitsut. Periaatsimut immikkoortumi nassuiaat malillugu inuusuttut ilinniakkamik ingerlatsisutut nalunaarsorsimasut, Ilinniagaqarnersiuteqartitsivimmili nalunaarsorsimannngitsut, inuusuttunut sullinniakkanut ilanngunneqarput.

2022-mi innuttaasut akornanni inuusuttut 7.557-it ataani takutinneqarput. Inuusuttut ilinniakkamik ingerlatsisut saniatigullu suliffillit ilinniakkamik ingerlatsisutuinnaq nalunaarsorneqarput. Ilinniakkamillu ingerlatsisut efterskolernermut, inuusuttunut ilinniartinnut ingerlariaqqiffiusumillu ilinniarnermut immikkoortiterneqarput.

**Titartagaq 2. 2022-mi inuusuttunut 16-it 25-llu akornanni ukiulinnut nalunaarsuutit**



Najoqutaq: Naatsorsueqqissaartarfik – kisisaataasivimmi kisisisit takukkit (<https://bank.stat.gl/UDNUMG3>).


**Inuusuttuni sullinniakkani inuusuttuaqqat amerlanerusut**

2022-mi ilinniakkamik ingerlatsisut annertussusaat ukioqqortusiartorneq malillugu appariarput. 16-iniit 18-inut ukiullit 43 pct.-ii ilinniartuusut 25-nik ukiullit 18 pct.-ii ilinniartuupput.

Suliffillit annertussusaat ukioqqortusiartorneq malillugu qaffalaarsimapput. 16-iniit 18-inut ukiullit akornanni 17 pct.-it suliffeqarput, 25-nilli ukiullit 59 pct.-ii suliffeqarlutik.

Inuusuttunilu sullinniakkani pineqartut annertussusaat ukioqqortusiartorneq malillugu aamma appariarput. 2022-p naanerani 16-iniit 18-inut ukiullit akornanni 40 pct.-it suliffeqaratillu ilinniakkamik ingerlatsinngillat, 25-nillu ukiullit akornanni 23 pct.-iullutik.


**Titartagaq 3. 2022-mi inuusuttut 16-it 25-llu akornanni ukiullit, ukiut nalunaarsugaanerlu malillugit**



Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).

**Inuusuttunut ilinniarfimmik ilinniarsimasut annertussusaat**  
 2022-mi inuusuttut 16-it 25-llu akornanni ukiullit 40 pct.-ii ilinniakkamik ingerlatsipput imaluunniit inuusuttunut ilinniarfimmik naammassinnissimallutik.

**Titartagaq 4. Inuusuttut 16-it 25-llu akornanni ukiullit inuusuttunut ilinniarfimmik naammassinnissimasut ingerlatsisulluunniit annertussusaat, 2016-2022**



Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).  
 Nalunaarut: Illinniakkamik ingerlatsisuni ilinniartut siornatigut inuusuttunut ilinniarfimmik naammassinnissimangitsut kisimik pineqarput.

**Inuusuttut sullinniakkat 12-inik ukioqarnermi najugarisaat**  
 Nuna tamakkerlugu agguaqatigiissitsinermut 32 pct.-iusumut naleqqiullugu Qaanaami Tasiilamilu inuusuttut 40 pct.-init annertunerusut inuusuttuni sullinniakkani nalunaarsorsimapput. Qaanaami inuusuttut sullinniakkat 2017-imi 48 pct.-iniit 2022-mi 41 pct.-inut annikilleriarsimapput.

**Tabel 1. Inuusuttut sullinniakkat agguaqatigiissinneri, 12-inik ukioqarnermi najugarisaat malillugit; 2017-2022**

	2017	2018	2019	2020	2021	2022
Nanortalik .....	31	<b>32</b>	<b>34</b>	<b>38</b>	<b>36</b>	<b>34</b>
Qaqortoq .....	31	24	<b>30</b>	28	32	<b>33</b>
Narsaq .....	29	<b>30</b>	<b>30</b>	29	31	<b>33</b>
Paamiut .....	<b>32</b>	<b>34</b>	<b>31</b>	<b>33</b>	31	<b>32</b>
Nuuk .....	26	25	27	26	25	25
Maniitsoq .....	27	26	25	28	28	27
Sisimiut .....	31	<b>30</b>	27	29	27	29
Kangaatsiaq .....	<b>38</b>	<b>38</b>	<b>31</b>	<b>35</b>	<b>34</b>	<b>33</b>
Aasiaat .....	26	27	<b>30</b>	30	25	27
Qasigiannuguit .....	25	26	23	24	25	25
Ilulissat .....	29	29	28	31	<b>33</b>	28
Qeqertarsuaq .....	19	18	23	27	<b>36</b>	23
Uummannaq .....	28	25	27	28	31	27
Upernavik .....	<b>42</b>	<b>37</b>	<b>38</b>	<b>42</b>	<b>37</b>	<b>39</b>
Qaanaaq .....	<b>48</b>	<b>36</b>	<b>35</b>	<b>45</b>	<b>40</b>	<b>41</b>
Tasiilaq .....	<b>53</b>	<b>42</b>	<b>46</b>	<b>49</b>	<b>44</b>	<b>50</b>
Ittoqqortoormiit .....	<b>40</b>	<b>34</b>	24	29	<b>41</b>	<b>36</b>
Kalaallit Nunaata avataani	29	26	<b>31</b>	30	28	26
Agguaqatigiissillugu .....	32	30	30	32	32	32

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG4>).

Nalunaarut: Kisitsisit ersarinnerusunik nalunaaqutsersimasut tassaapput nuna tamakkerlugu agguaqatigiissinnermiit qaffasinnerusut.

## Eqikkaaneq

**Tabel 2. Inuusuttut 16-it 25-llu akornanni ukiullit nalunaarsugaanerit malillugit, 2017-2022**

	2016	2017	2018	2019	2020	2021	2022
Efterskolertut .....	355	352	357	280	237	229	289
Ilinniarnertuunngorniat .....	1.092	1.038	1.005	955	1.018	1.016	1.015
Inuusutissarsiornermik ilinniartut .....	585	575	547	515	540	473	475
Ingerlariaqqiffiusumik ilinniartut .....	480	417	427	403	407	397	406
Suliffillit .....	3.282	3.309	3.434	3.394	3.158	3.219	3.068
Inuusuttut sullinniakkat .....	2.643	2.598	2.386	2.376	2.450	2.341	2.304
<b>Katillugit .....</b>	<b>8.437</b>	<b>8.289</b>	<b>8.156</b>	<b>7.923</b>	<b>7.810</b>	<b>7.675</b>	<b>7.557</b>

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).

**Tabel 3. Inuusuttut 16-it 25-llu akornanni ukiullit ukiui nalunaarsugaanerilu malillugit, 2022**

Ukiut	16	17	18	19	20	21	22	23	24	25
Efterskolertut .....	242	47	-	-	-	-	-	-	-	-
Ilinniarnertuunngorniat .....	97	220	262	181	98	47	36	25	25	24
Inuusutissarsiornermik ilinniartut .....	8	32	40	50	43	70	47	64	62	59
Ingerlariaqqiffiusumik ilinniartut .....	-	-	1	7	26	59	66	72	100	75
Suliffillit .....	68	136	174	266	388	360	363	390	404	519
Ilinnianningsut suliffeqanngitsullu .....	292	325	260	218	221	215	177	198	199	199
<b>Katillugit .....</b>	<b>707</b>	<b>760</b>	<b>737</b>	<b>722</b>	<b>776</b>	<b>751</b>	<b>689</b>	<b>749</b>	<b>790</b>	<b>876</b>

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).

**Tabel 4. Inuusuttut sullinniakkat Majoriami ingerlatsisut**

	2018	2019	2020	2021	2022
Majoriami ingerlatsisut . . . . .	547	495	504	421	423
Majoriami ingerlatsinngitsut . . . . .	1.857	1.897	1.956	1.931	1.899
<b>Inuusuttut sullinniakkat katillugit</b>	<b>2.404</b>	<b>2.392</b>	<b>2.460</b>	<b>2.352</b>	<b>2.322</b>

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG6>).

Nalunaarut: Majoriami ingerlatsisut ilinniagaqarnersiutillit nalunaarsuutaannit naatsorsuutit. Atuartut ilinniagaqarnersiuteqanngitsut ilanngunneqanngillat.

## Periaaseq

Saqqummersitami matumani inuusuttut suliffeqarnerat ilinniarnallu sammineqarpoq.

### Nalunaarsuutit tunngaviusut

Kisitsisitigut paasissutissani suliarineqartuni matumani nalunaarsuiffiit atorneqartut tassaapput:

- Naatsorsueqqissaartarfiup innuttaasunut nalunaarsuiffia (1. januaari aallarnerfigalugu).
- Ilinniartitaanermut Naalackersuisoqarfiup aammalu Oqaatsinik Pikkorissarfiup Kalaallit Nunaanni Qallunaat Nunaannilu efterskolini atuartunik nalunaarsuiffii.
- Ilinniagaqarnersiuteqartitsiviup (USF-ip) nalunaarsuiffia.
- Naatsorsueqqissaartarfiup suliffilinnut nalunaarsuiffia (novembarimi naatsorsukkat).
- Naatsorsueqqissaartarfiup ilinniakkanut naammassineqarsimasunut qaffasinnerpaanut nalunaarsuiffia.
- Namminersorlutik Oqartussat kommunillu pisortani ataatsimut akissarsialeriffiat.

## Periaaseq

Qulaani paasissutissanik ataatsimoortitsinermi innuttaasunut ataasiakkaanut kisitsisitigut paasissutissanut nalunaarsuiffimmik pilersitsisoqarpoq, ukiup naalernerani paasissutissanik ataani pineqartunik imaqartumik:

- Ukiut aamma suaassuseq.
- Najugaq aammalu pineqartup ukiumi 12-inik ukioqalerfiani ukiup naalernerani najugarisaa.
- Ilinniakkamik ingerlatsineq imaluunniit suliffeqarneq.
- Ilinniagaq naammassineqarsimasooq qaffasinnerpaaq.

### Misissukkat amerlassusaat

Ukiumi kisitsiviusumi naatsorsuutini pineqarput ukiup naalernerani 16-it 25-illu akornanni ukiullit aammalu tunngavilersuutininik ataani taaneqartunik naammassinnissimasut:

- Ukiup aallartinnerani naanerani Kalaallit Nunaanni inunnik nalunaarsuiffimmi (najugaqavissutut) allassimaneq.
- Ukiup naalernerani Kalaallit Nunaanni inunnut nalunaarsuiffimmi nalunaarsorsimaneq aammalu ukiup kisitsiviusup ingerlanerani Kalaallit Nunaata avataani efterskolimik ilinniakkamilluunniit ingerlatsisimalluni naammassinissimaneq imaluunniit unitsitsisimaneq.
- Ukiup naalernerani Kalaallit Nunaanni inunnut nalunaarsuiffimmi nalunaarsorsimannginneq kisiannili ukiumi kisitsiviusumi qaammat decembarimi Kalaallit Nunaanni imaluunniit Kalaallit Nunaata avataani efterskolimik ilinniakkamilluunniit meeqqat atuarfiannit qaffasinnerusumik ingerlataqartutut nalunaarsorsimaneq.

### Najugaq

Najukkanut paasissutissani inunnik nalunaarsuisarfimmi najugaq aallaavigineqarpoq. Ilinniarkinna Kalaallit Nunaanniittuni nalunaarsorsimasut inunnullu nalunaarsuisarfimmi nalunaarsorsimannigitsut ukiup kisitsiviusup tulliani najugaat atornerqarput. Aammattaaq ukiumi qaangiuttumi qaninnermi najugaq nalunaarsorneqarsimasoq atornerqarpoq. Ilinniakkanik ingerlatsisut ataasiakkaat Naatsorsueqqissaartarfiup inunnut nalunaarsuisarfiani allassimannigillat, taakkununga ilinniarfiup adressia atornerqarpoq.

Nunani allani ilinniarkinna nalunaarsorsimasut nunami allami najugaqartutut taanerqarput, Kalaallit Nunaanni innuttaasunut nalunaarsuisarfimmi nalunaarsorsimanerat apeqqutaatinnagu.

Ukiuni pineqartuni najugarisap atuutsinneqartup saniatigut aammalu ukiumi 12-inik ukioqalerfiup naanerani najugarisimasoq nalunaarsorneqarpoq. 12-inik ukioqarlutik inuit nalunaarsuiffianni nalunaarsorneqarsimannigitsut Kalaallit Nunaata avataani najugaqartutut nalunaarsorneqarput.

Ivittuuni najugallit Nuummi najugalittut nalunaarsorneqarput.

### Ilinniarnermut suliffeqarnermulluunniit killiffiit

Inuusuttut ukiumi kisitsiviusumi qaammat decembarimi ilinniakkamik ingerlatsisutut suliffeqartutulluunniit (novembarimi) imaluunniit ilinniakkamik ingerlatsinngitsutut suliffeqanngitsutullu nalunaarsorneqarput. Nalunaarsuinerillu pingaarnersiornerqarput, ilinniakkamik ingerlatsisoq suliffeqartorlu taamaallaat ilinniakkamik ingerlatsisutut naatsorsorneqarpoq.

Efterskolinik ilinniakkanillu ingerlatsisut tassaapput Naatsorseqqissaartarfiup ilinniartitaanermut nalunaarsuiffiani nalunaarsorsimasut. Efterskolernerit eqqaassanngikkaanni ingerlatsinerit inuusuttunut qaffassarluni ilinniarkinnaanniit qummullu qaffasissusillit taamaallaat nalunaarsorneqarput (ISCED-ni qaffasissuseq 3 qummullu).

Inuusuttut ilinniakkanik ingerlatsinatillu suliffeqanngitsut inuusuttunik sullinniakkanik taaneqarput. Inuusuttut sullinniakkat tassaapput inuusuttut suliffeqanngitsut aammalu inuusuttut suliffissarsiunngitsut. Inuusuttunut sullinniakkanut ilaasinnaapput 16-inik ukioqalereersimallutik meeqqat atuarfiannik naammassinnissimasut aammalu piginnaanngorsarluni ilinniarnernik ingerlatsisut, assersuutigalugu Majoriami (ISCED-ni qaffasissuseq 2). Taamatutaaq inuusuttuni sullinniakkani ilaasinnaapput ilinniakkanik ingerlatsisut kisiannili Ilinniagaqarnersiuteqartitsivimmi nalunaarsorneqarsimannngitsut.

Inuusuttut sullinniakkat Majoriami akuerisaasimasut annertussusaat immikkut kisitsisitigut paasissutissiarineqarput. Tassani ilinniagaqarnersiutillit, assersuutigalugu Majoriami FA-mik ukiumik ataatsimik sivissuseqartumi atuartut ilinniagaqarnersiuteqarsinnaatitaasullu nalunaarsuutaat tunngavigineqarput. Atuartullu qaammat decembarimi ilinniagaqarnersiutillit nalunaarsorsimannngitsut ilanngunneqanngillat.

#### Ilinniagaq naammassisimasaq qaffasinnerpaaq

Inuusuttunut misissukkani ilaasunut tamanut ukiup kisitsiviusup pineqartup naanerani ilinniagaq naammassisimasaq qaffasinnerpaaq nalunaarsorneqarpoq. Piginnaanngorsarluni ilinniarfiit saniatigut ilinniarnertuunngorniarfiit ilinniakkanut naammassineqarsimasunut ilaatinneqarput.

Pineqartut ilinniakkanut naammassisimasanut qaffasinnerpaanut atassuserneqarput, aammalu ilinniarnertuunngorniarfinnut, inuussutissarsiornermik ilinniarfinnut, ingerlariaqqiffiusumik ilinniarfinnut ilinniagaqarsimannngitsunulluunniit agguataarneqarlutik. Ilinniaritaaanermut Naalakkersuisoqarfimmik isumaqatigiissuteqarneq malillugu angusanik qaffassaalluni pikkorissarnerit ilinniakkatut qaffasinnerpaatut naammassineqarsimasut ilinniarnertuunngorniarfiit ataannut inissinneqarput. Angusanik qaffassaalluni pikkorissarnerit ISCED2011-mi qaffasissuseq 4-rimi inissisimapput, tigusaanissamullu piumasaqaataavoq ilinniarnertuunngorniarfimmik naammassinnissimanissaq.

Naatsorsueqqissaartarfiup ilinniakkanut qaffasinnerpaanut nalunaarsuisarfia Kalaallit Nunaanni najugaqartunik taamaallaat imaqarpoq. Taamaattumik misissukkat qaffasinnerpaamik ilinniagarisimasaannut, Naatsorsueqqissaartarfiup inunnik nalunaarsuisarfiani piffissami pineqartumi qaninnermi, nalunaarsugaasimanerit atorneqarput. Kalaallit Nunaatalu avataani piffissami sivissuumi ilinniakkamik ingerlataqarsimasut kisitsisitigut paasissutissani matumani saqqummiunneqartunit ilinniagaat qaffasinnerusinnaapput.

#### **Nalunaarsuutinit siullernit allannguutit**

Ilinniagaqarnersiuteqartitsiviup nalunaarsuisarfia nalunaarsuisarfiuvoq ataavartumik, aammattaaq ukiumi siuliini naqiteriikkanik, naqqiinernik ingerlatsiviusoq. Kisitsisitigut paasissutissani matumani nalunaarsuutit najoqqutarineqartut allanngorput, Naatsorsueqqissaartarfiup

saqqummersitaanut kingullernut ilinniakkanut qaffasinnerpaanut naammassineqarsimasunut ingerlanneqartunullu najoqqutarineqartut paasissutissat assigiit atuutsinneqalerlutik.

Saqqummersitami 2021-mi suliffeqarneq nutarsaanerit

2023-mi saqqummersitsinermit 2016-imiit ullumikkumut suliffeqarnermut, suliffissaaleqinermit sulisorineqarsinnaasunullu kisitsisit suliarineqarneri nutarsarneqarput. Tamatumalu kinguneraa suliffeqarnermut kisitsisit siuliani saqqummiunneqartarsimasunit annertunerulernerat, taamatullu suliffissaaleqisut amerlassusaasa kiisalu innuttaasut sulisinnaasunut ilaangitsut amerlassusaasa annikinnerulernerat.

Siornatigut saqqummersinneqarsimasunit periaatsimi allannguutit pingaarnerit tassaapput:

1. Ernereernerup kingorna sulinngiffeqartut, suliffilinnut ilaasimasut massakkut suliffilittut naatsorsorneqarput. Allannguummi matumani International Labour Organization-imit (ILO) innersuussutigineqartunut naapertorlugit suliffeqarnermi pissutsinut kisitsisitigut paasissutissat suliarineqarput.
2. Ukiup ataatsip ingerlanerani isertitat annerpaartaat namminerisamik suliffeqarfimmit isertitaasimappata, suliffeqafiup inuussutissarsiornermi suliaqarfiani pingaarnertut suliffeqarneq naatsorsorneqarpoq. Allannguummi matumani piffiit tunisiffiusimanngitsut imaluunniit inuussutissarsiornermi suliaqarfinni allani ilassutitut isertitaqangaatsiarsimaneq pingaarnertut suliffimmut sunniuteqanngillat, ukiumut isertitat aalisarnermi imaluunniit savaateqarnermi namminerisamik suliffeqarfimminngaanneersuuppata.
3. Naatsorsueqqissaartarfik pisortat akissarsialeriviannit nalunaarsuutiniq nutaanik, sulisitsisullu Akileraartarnermut Aqutsisoqarfimmut nalunaarusiaannik paasissutissanik sukumiinerusunik imalinnik aallersinnaalerpoq. Nalunaarsuutiniq pitsaannerusunik aallersinnaaneq pisortani atorfeqarnermi akissarsiat pisortani isertitaniit qularnannginnerusunik immikkoortinneqarsinnaalernerannik isumaqarpoq. Allannguutillu kinguneraa qaammammi ataatsimi piffissap affaanit sivikinnerusunik sulillutik atorfeqarsimasut suliffilinnut ilanngunneqarnerini pisortani suliffillit annertunerulernerat.

2016 sioqqullugu nalunaarsuutit *ilinniartitaanerup* ataani toqqorsivimmi nassaarineqarsinnaapput.



---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Saaffiginniffissaq

Samo Nielsen

E-mail: [snie@stat.gl](mailto:snie@stat.gl)

**Ilinniartitaaneq**

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

